

სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის მათა მოშიაშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს		<input type="checkbox"/>
მოსამართლეობის კანდიდატი აკმაყოფილებს კეთილსინდისიერების კრიტერიუმს		<input type="checkbox"/>
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს		<input checked="" type="checkbox"/>
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	20	20
სამართლებრივი დასაბუთების უნარი და კომპეტენცია	20	20
წერის უნარი	20	20
ზეპირი კომუნიკაციის უნარი	15	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	2	5
პროფესიული აქტივობა	2	5
ქულათა ჯამი	94	100

თარიღი: 06.12.2024 წ.

მ. შიშაშვილი



## საქართველოს იუსტიციის უმაღლესი საბჭოს წევრი დიმიტრი გვრიტიშვილი

2024 წლის 6 დეკემბერი, ქალაქი თბილისი

მაია შოშიაშვილის შეფასება

### 1. პროცედურის შესახებ:


1.1. საქართველოს იუსტიციის უმაღლესი საბჭოს (შემდგომში - „საბჭო“) 2024 წლის 17 ოქტომბრის №1/115 განკარგულებით, რაიონულ (საქალაქო) სასამართლოებში არსებულ მოსამართლის 38 ვაკანტურ თანამდებობაზე გამოცხადდა კონკურსი.

1.2. „საბჭოს“ 2024 წლის 15 ნოემბრის №1/119 განკარგულებით, მითითებულ კონკურსში კანდიდატად დარეგისტრირდა **მაია შოშიაშვილი** (შემდგომში - „კანდიდატი“), ვრუსთავის საქალაქი სასამართლოს სისხლის სამართლის საქმეთა კოლეგიაში არსებულ ვაკანტურ თანამდებობასთან მიმართებით.

1.3. „საბჭოს“ შესაბამისმა სამსახურმა, „საერთო სასამართლოების შესახებ“ საქართველოს ორგანული კანონის (შემდგომში - „კანონი“) 34<sup>2</sup> მუხლით დადგენილი წესით, მოიპოვა ინფორმაცია „კანდიდატის“ შესახებ, რომელსაც გავეცანი დეტალურად.

1.4. „კანონის“ 34<sup>1</sup> მუხლის მე-8 და მე-10 პუნქტებით დადგენილი წესით, 2024 წლის 3 დეკემბერს, „საბჭომ“ ჩაატარა „კანდიდატის“ საჯარო მოსმენა, რომელშიც მივიღე მონაწილეობა.

1.5. საჯარო მოსმენის დასრულების შემდეგ, „კანონის“ 34<sup>1</sup> მუხლის მე-11 პუნქტით დადგენილი წესით, სამოსამართლო გამოცდილების მქონე „კანდიდატი“ (ამჟამად არის ვრუსთავის საქალაქო სასამართლოს მაგისტრეტი მოსამართლე გარდაბნის მუნიციპალიტეტში) შევაფასე „კანონის“ 35<sup>1</sup> მუხლის მე-15 და მე-17 პუნქტების შესაბამისად.

  
\_\_\_\_\_



## 2. ინფორმაცია „კანდიდატის“ შესახებ:

### 2.1. „საბჭოს“ შესაბამისი სამსახურის მიერ მოპოვებული ინფორმაცია:

2.1.1. „კანდიდატი“ 60 წლისაა. აქვს უმაღლესი იურიდიული განათლება (სამართლის მაგისტრი, თსუ). სპეციალობით მუშაობს 34 წელზე მეტია, მათ შორის - სამოსამართლო უფლებამოსილებას ახორციელებს 25 წლის მანძილზე.

2.1.2. „კანდიდატის“ შესახებ წარმოდგენილია რეკომენდაციები, რომლებშიც რეკომენდატორები „კანდიდატს“ დადებითად ახასიათებენ და მიიჩნევენ, რომ ის სრულად აკმაყოფილებს კეთილსინდისიერებისა და კომპეტენტურობის კრიტერიუმებს.

2.1.3. „კანდიდატი“ სარგებლობს სოციალური ქსელებით. მის შესახებ ინტერნეტ-სივრცეში ხელმისაწვდომია ინფორმაცია მისი სამოსამართლო საქმიანობის შესახებ. „კანდიდატი“ არ ყოფილა არც ერთი პოლიტიკური პარტიის წევრი/ მხარდამჭერი/ შემომწირველი.


2.1.4. „კანდიდატს“ სახელმწიფო ბიუჯეტის მიმართ არ ერიცხება დავალიანება; არ აქვს მიმდინარე სესხი, გააჩნია დადებითი საკრედიტო ისტორია. „კანდიდატს“ ეკუთვნის საცხოვრებელი ბინა (64.06მ<sup>2</sup>) ქ. რუსთავში. უძრავი ქონების რეესტრში არსებული ინფორმაცია შესაბამისობაშია მის მიერ წარმოდგენილ ქონებრივი მდგომარეობის დეკლარაციასთან. მეწარმეთა და არასამეწარმეო იურიდიულ პირთა რეესტრში არ არის რეგისტრირებული.

2.1.5. ბოლო სამი წლის განმავლობაში, „კანდიდატს“ არანაირი სახის პასუხისმგებლობა დაკისრებია. ინფორმაცია „კანდიდატის“ რომელიმე სამართალწარმოებაში მხარედ, აგრეთვე - დაზარალებულად მონაწილეობის შესახებ არ არის წარმოდგენილი.

2.1.6. „საბჭოს“ შესაბამისმა სამსახურმა მოიძია „კანდიდატის“ მიერ რუსთავის საქალაქო სასამართლოში განხილული სისხლის სამართლის 5 საქმე. ამ საქმეთა განხილვისას „კანდიდატის“ მიერ შედგენილი საპროცესო დოკუმენტების შესწავლით დგინდება, რომ „კანდიდატის“ მსჯელობები ლოგიკური და ანალიტიკურია; აზრი ჩამოყალიბებულია ნათლად.

2.1.7. „კანდიდატს“ ჩაბარებული აქვს მოსამართლეობის საკვალიფიკაციო გამოცდა 1999 წელს. ბოლო სამი წლის განმავლობაში, „კანდიდატმა“ მონაწილეობა მიიღო კვალიფიკაციის ასამაღლებელი ხასიათის 4 ღონისძიებაში (სემინარი და ა.შ.). ამდენად, „კანდიდატი“ პროფესიული წვრთნის პროგრამებში საკმარისად ხშირად არ მონაწილეობს. „კანდიდატი“ ფლობს ინგლისურ და რუსულ ენებს.

2.1.8. „კანდიდატი“ არ ეწევა პედაგოგიურ/ სამეცნიერო საქმიანობას.

ხელმოწერა: 

## **2.2. კანდიდატის საჯარო მოსმენის შედეგად მოპოვებული ინფორმაცია:**

2.2.1. „კანდიდატს“ „საბჭოს“ წევრებმა დაუსვეს როგორც ზოგადი, ისე - სამართლებრივი შეკითხვები, სამართლის სხვადასხვა დარგიდან.

2.2.2. „კანდიდატი“ გამართულად მეტყველებს, აზრს ნათლად და გასაგებად გადმოსცემს, ფაქტების ანალიზის საფუძველზე მსჯელობს ლოგიკურად, ღიაა და სხვის აზრს (მათ შორის - განსხვავებულს) ისმენს მოთმინებით. „კანდიდატმა“ წარმოაჩინა საქართველოს მოქმედი კანონმდებლობის (მატერიალური და საპროცესო კანონმდებლობების, ადამიანის უფლებების სამართლის, მათ შორის, ადამიანის უფლებათა ევროპული სასამართლოს პრეცედენტული სამართლის) სიღრმისეული ცოდნა.

## **3. კანდიდატის შეფასება კეთილსინდისიერების კრიტერიუმის მიხედვით:**

3.1. კეთილსინდისიერების კრიტერიუმის მიხედვით ნებისმიერი კანდიდატის შეფასებისას, მოქმედებს პრეზუმფცია, რომ კანდიდატი არის კეთილსინდისიერი, ე.ი. - აკმაყოფილებს „კანონის“ 35<sup>1</sup> მუხლის მე-2 პუნქტით გათვალისწინებული 5-ვე მახასიათებლის (სამოსამართლო გამოცდილების მქონე კანდიდატისათვის) მოთხოვნებს, თუ წარმოდგენილი არ არის ამ პრეზუმფციის გამაქარწყლებელი, სანდო ინფორმაცია.

3.2. „კანდიდატის“ შესახებ დოკუმენტური, ასევე - მისი საჯარო მოსმენის შედეგად მოპოვებული ინფორმაციის (იხ: ამ შეფასების მე-2 პუნქტი) ანალიზიდან გამომდინარე, მივიჩნიე, რომ ამგვარი ინფორმაცია არ არის წარმოდგენილი; შესაბამისად, დავასკვნე, რომ „კანდიდატი“ აკმაყოფილებს „კანონის“ 35<sup>1</sup> მუხლის მე-2 პუნქტის „ა“-„ე“ ქვეპუნქტებით გათვალისწინებულ მახასიათებლებს („პიროვნული კეთილსინდისიერება და პროფესიული სინდისი“, „დამოუკიდებლობა, მიუკერძოებლობა და სამართლიანობა“, „პიროვნული და პროფესიული ქცევა“, „პიროვნული და პროფესიული რეპუტაცია“, „ფინანსური ვალდებულება“), რის გამოც გავაკეთე „კანონის“ 35<sup>1</sup> მუხლის მე-15 პუნქტის „გ“ ქვეპუნქტით გათვალისწინებული დასკვნა: „კანდიდატი“ სრულად აკმაყოფილებს კეთილსინდისიერების კრიტერიუმს.

## **4. კანდიდატის შეფასება კომპეტენტურობის კრიტერიუმის მიხედვით:**

4.1. ამ შეფასების 2.2.2 პუნქტში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „ა“ ქვეპუნქტით გათვალისწინებული „სამართლის ნორმების ცოდნის“ მახასიათებლის მიხედვით, „კანდიდატს“ მივანიჭე 20 ქულა.

ხელმოწერა:

12. 8/11/14



4.2. ამ შეფასების 2.1.6 და 2.2.2 პუნქტებში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „ბ“ ქვეპუნქტით გათვალისწინებული **„სამართლებრივი დასაბუთების უნარის და კომპეტენციის“** მახასიათებლის მიხედვით „კანდიდატს“ მივანიჭე **20 ქულა**.

4.3. ამ შეფასების 2.1.6 პუნქტში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „დ“ ქვეპუნქტით გათვალისწინებული **„წერის უნარის“** მახასიათებლის მიხედვით „კანდიდატს“ მივანიჭე **20 ქულა**.


4.4. ამ შეფასების 2.2.2 პუნქტში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „ე“ ქვეპუნქტით გათვალისწინებული **„ზეპირი კომუნიკაციის უნარის“** მახასიათებლის მიხედვით „კანდიდატს“ მივანიჭე **15 ქულა**.

4.5. ამ შეფასების 2.1.3 და 2.1.6 პუნქტებში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „ზ“ ქვეპუნქტით გათვალისწინებული **„პროფესიული თვისებები (მათ შორის, ქვეყნის სასამართლო დარბაზში)“** მახასიათებლის მიხედვით „კანდიდატს“ მივანიჭე **15 ქულა**.

4.6. ამ შეფასების 2.1.7 პუნქტში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „თ“ ქვეპუნქტით გათვალისწინებული **„აკადემიური მიღწევების და პროფესიული წვრთნის“** მახასიათებლის მიხედვით „კანდიდატს“ მივანიჭე **2 ქულა**.

4.7. ამ შეფასების 2.1.8 პუნქტში აღწერილი გარემოებებიდან გამომდინარე, „კანონის“ 35<sup>1</sup> მუხლის მე-3 პუნქტის „ი“ ქვეპუნქტით გათვალისწინებული **„პროფესიული აქტივობის“** მახასიათებლის მიხედვით „კანდიდატს“ მივანიჭე **2 ქულა**.

4.8. აღნიშნულიდან გამომდინარე, **კომპეტენტურობის კრიტერიუმის მიხედვით, საერთო ჯამში, „კანდიდატს“ მივანიჭე 94 ქულა (20+20+20+15+15+2+2).**



ხელმოწერა:

 30/11/20